

UniMAP Bantu Bimbing Anak-Anak AUTISME



Sebagai Institusi Pengajian Tinggi Awam (IPTA) Universiti Malaysia Perlis (UniMAP) tidak ketinggalan untuk menunaikan tanggungjawab sosial korporatnya (CSR) kepada masyarakat dengan membantu memberikan bimbingan kepada anak-anak staf yang didiagnos menghidap penyakit autisme. Ketua Pustakawan UniMAP, Puan Mazmin Mat Akhir yang juga Penyelaras Autism Hub for Educational Resources and Training (A-HEART) berkata atas rasa tanggungjawab, pihak universiti menggerakkan beberapa program untuk membantu anak-anak istimewa ini.

Bermula Disember lalu, A-HEART mengenalpasti anak-anak staf yang menghidap autisme dan sesi orientasi bersama para ibubapa telah dijalankan. A-HEART juga menganjurkan Kelas Mengaji Al-Quran untuk Anak-anak Istimewa (Kemanis) di Surau UniMAP, Pauh Putra dan program ini merupakan program berterusan yang akan dijalankan setiap hujung minggu. Pengisian program pada peringkat awal ini meliputi latihan mengambil wudhu', solat dhuha, bacaan ruqyah dan pengenalan kepada abjad jawi.